

HE KUPU WHAKAMARAMA.

whautia ki a ratou, kaore ano ratou i rongo i tenei kupu na, "Koia ano te aroha o te Atua ki te ao, homai ana e ia tana Tama kotahi kia kahore ai e mate te tangata e whakapono ana ki a ia, engari kia whiwhi ai ki te orangatonutanga." (Hoani 3: 16.)

Mo ahea tenei kupu a te Karaiti whakaitia ai e tatou, "Haere koutou ki te ao katoa kauwhautia te rongo pai ki nga tangata katoa." (Maka 16, 15.)

PITO-PITO KORERO.

Ki nga minita. E hoa ma ma te ata whangai i te manu nei ka ora roa ai. E kore ranei koutou katoa e whakaae ki te whakarite i tetahi ra i roto i te tau, i te ono marama ranei, hei kohikohinga mai ma koutou i tetahi oranga iti nei mo ta tatou manu. Kia mahara mai.

Nga Moni e whakapaua ana i Ingarangi mo te Waipiro £140,000,000 i te tau; mo te tuku i te Rongo Pai ki nga wahi mamao £1,300,000.

Ara, mo te pauna kotahie whakapaua ana mo te tuku haere i te Rongo Pai, kotahi rau pauna kei te whakapaua ki te Waipiro.

I roto i nga tau katoa, e kiia ana e nga tangata matau, e tae ana ki te 85,000,000 nga tangata e mate ana, kaore ano nei te Rongo Pai i kauwhautia ki a ratou.

Hei te 24th o tenei marama ka tae mai nga tamariki o Te Aute Kareti ki Whakatu. Ko ta ratou haere mai he purei putu-pooro (football) ki nga tamariki o te Kareti o Whakatu. Ko nga moni katoa e toe ana i muri mai i te utunga i nga raruraru katoa, ka tukuna ki te Komiti Maori o Motueka whakahaere tikanga hei painga mo matou mo nga Maori o te takiwa ki te Porowini o Whakatu. Ma nga Pakeha rangatira o Whakatu nga tamariki Maori o Te Aute e tiaki. Ki te kore o ratou raruraru e ea, ma matou katoa e utu. Ko tetahi mahi ano a nga tamariki nei he kauwhau ki nga Pakeha, kia mahara mai ai ratou ki enei hipi hoki a to ratou Ariki.

No te 10th o tenei marama, ka tu te rakau Kirihimete (Christmas-tree) ki Whangarae,

Whakatu. Ko nga hua katoa o tana rakau he aroha na te Pakeha. Nui atu te hari, me te koa, me te ngahaunonoiho, i te papaio nga hua o tana rakau. Kei te pai rawa nga tikanga mo te kura ki Whangarae. Kanui te kaha o nga tamariki, me nga kaumatua ki te ako.

No tenei marama i mahue ake nei, ka mate a Ramari Herswini ki tekainga o tana tamahine o Mere Rore ki Wairau. He wahine rangatira ia no mua, i Motueka e noho ana, haere ai ki Waikato, no te hokinga mai ka toimaha haere tona mate, tae noa ki tana matenga rawatanga i nga ra o Mei kua mahue ake nei.

No nga ra o Mei (21—30) ka tu te Mihana (Mission) ki Motueka. E rua karakiatanga i nga ra katoa, e wha huihuinga i nga wiki. Ko te tikanga o tenei mahi, he whakamarama i etahi tikanga o te Karakia, o te Whakapono. He nui nga kupu uaua i whakamaramatia. E kore e mohiotia inaianei nga hua o tenei mahi, engari ki taku mahara he tikanga pai tenei hei whakahohonu i te whakapono, hei whakapumau i a tatou hei pononga ma te Ariki.

Kei Merepana (Melbourne) me ona takiwa 8,500 nga Tainamana. Kotahi o ratou he tangata matau ki nga Karaipitire, kua whakapangia hei minita mo ratou no te Hahi o Ingarangi. Tokorima nga Kai-karakia. Ko ta ratou karakia, ko ta tatou Rawiri nei ano.

Nga kohikohi o tenei marama:

	£	s.	d.
Mrs Warren, Wellington ...	0	5	0
Mr Holloway, Nelson ...	0	10	0
General Schaw, Wellington ...	1	1	0
Mr F. Bamford, Nelson ...	0	5	0
Mr Bates, Wanganui ...	0	2	6

Ka hiabia koutou ki te tuihuhu mai ki a au me penei nga kupu mo te whare pukapuka.

REV. PERERE PENETI,
Nelson.